



24.juni 2019

Inatsisartut suleriaasianni § 37, imm. 1 naapertorlugu matumuuna Naalackersuisunut imaattumik apeqquteqaateqarpunga.

### Apeqqutit:

1. **Kræftemik nappaateqartut katsorsartissinnaajunnaarsimasullu cannabisip uuliaanik pissarniartarnerat ajornakkusoortoq paasitneqarpugut. Ajornartorsiut tamanna sumik peqquteqarpa? Naalackersuisut aaqqiiviginiarlugu qanoq pilersaaruteqarpat?**
2. **Nappaateqartunut anniaateqartunullu cannabis-imik atuinissamik kissaateqartunut akuersissuteqartarnissamut aporfiusartut suuppat?**
3. **Cannabis-ip pisariaqartitsivissunut ajornannginnerusumik atorineqarsinnaalissappat suliasaq qanoq ingerlanneqartariaqarpa?**
4. **Nunatsinni kikkuniilluunniit pissarsiarineqarsinnaallunilu pisiarineqarsinnaava?**  
**A. Naamiuppat: Tamanna sumik peqquteqarpa?**
5. **Cannabisip nakorsaataasup kikkunnilluunniit ajornannginnerusumik pisariinnerusumillu pissarsiarineqarsinnaalernissaa pillugu Naalackersuisut qanoq pilersaaruteqarpat? Assersuutigalugu nammineq akiliilluni pissarsiarineqarsinnaanerata ajornannginnerulersinneqarnissaanik ammanerulersinneqarnissaanillu Naalackersuisut pilersaaruteqarpat?**
6. **Naalackersuinikkut iliuusissat suut nunatsinni pisariaqartinneqarpat cannabisip katsorsaanermi peqqissaanermilu iluaqutiginerata annertusarnissaa anguneqassappat ajornannginnerusumillu pissarsiarineqarsinnaalissappat?**

(Inatsisartuni ilaasortat Peter Olsen, Inuit Ataqatigiit)

### Tungavilersuut:

Naluneqanngitsutut alianaraluaqisumik ukiuni kingullerni nunaqqatitta akornanni nappaasuarmik kræftemik eqqorneqartartut, toqquteqartartullu amerligaluttuinnarput, allaat immaqa nunatsinni "ajunaarnersuartut" tamanna oqaatigineqarsinnaalersimalluni.

Taassuma saniatigut aamma nappaatit allat nunatsinni tusarsaagaluttuinnartut ilagaat naggusamikkut gigteqartut aammalu sivisuumik – ataavartumik anniaateqartarnerit.

Taamatut qulaani taaneqartutut nappaateqalersimasut assigiissutaasa ilagaat; cannabisimik nakorsaammik pisariaqartitsilersimanerat, ujartuisalersimanerallu. Naatsumik oqaatigalugu eqqissisaatitut anniarunnaarsaatitullu atorluarsinnaanera sunniuteqarsinnaneralu pissutigalugu.

Nunarsuatta sinnerani cannabisip nakorsaaitit akuerineqarlunilu ammanerulersinneqaleratuinnalersimavoq allaat naasoq cannabis naalagaaffinni amerlasoorpassuarni ammanerulersinneqarsimalluni soorlu Canadami aamma naggueqatitta akornanni.

Taamaattumik tamanna pillugu naalakkersuisut qanoq pilersaaruteqarnersut paaserusuppara.

Qinnutigissavara apeqquteqaatima ullut suliffiusut qulit iluanni akineqarumaartut.